



Nang Dahil sa Telepono
Alaa Olayyan
Husameddine Al-Qaliny




Nakatira si Tiya Rosa sa isang maaliwalas na nayon. Tahimik siyang namumuhay kasama ng lima niyang mga anak, mga manok, at ng pusang si Ken.



Nagsisimula ang araw ni Tiya Rosa tuwing madaling araw upang pakainin ang kaniyang mga inahin at ipaghanda ng almusal ang kaniyang mga anak.

Pagkatapos nito ay ihahatid niya na ang kaniyang mga anak sa kanilang paaralan, at agad naman siyang tutungo sa palengke upang ibenta ang kaniyang mga ito.

Uuwi siya sa tanghali upang mahandaan ng pananghalian ang kaniyang mga anak.



Araw-araw itong ginagawa ni Tiya Rosa
hanggang sa...



Lumaki ang kaniyang mga anak at kailangan na nilang magpaalam isa-isa.

Naiwang mag-isa si Tiya Rosa kasama ang kaniyang mga inahin at alagang pusa na si Ken.



Ganun pa man, gumigising pa rin siya nang maaga para pakainin ang kanyang mga inahin, maghanda ng agahan at magdilig ng kaniyang mga halaman.

Pagkatapos ay naghahanda siya ng tanghalian. At naghihintay sa pagdating ng tag-init, kung kailan siya binibisita ng kaniyang mga anak.



Isang gabi, tumunog ang kaniyang lumang pulang telepono. Nakatanggap siya ng tawag mula sa kaniyang mga anak.



Sa wakas ay dumating na ang bakasyon at ang kaniyang mga anak, at muling napuno ng galak at tuwa ang kanilang tahanan.



Nagtipon ang buong pamilya. Sila ay masayang naguusap-usap at nagtatawanan sa loob bahay. Nagdulot din ng kasiyahan at kagalakan ang masarap na pagkaing inihanda ng kanilang ina.



Ilang araw bago umalis ang kaniyang mga anak, narinig nila ang balita tungkol sa pagkakaroon ng mga tore na malapit sa sakahan.



Sila ay nagtungo sa bayan at bumalik
pagkalipas ng ilang oras dala-dala ang binili
nilang bagong telepono para sa kanilang ina
at ikinonekta ito sa <I>internet.</I>



Natapos ang bakasyon at nagsilisan na ang kaniyang mga anak. Si Tiya Rosa naman ay bumalik sa kaniyang pangaraw-araw na ginagawa – ang gumising ng madaling araw, magpakain sa mga inahin, pero...



Nagsimula nang kausapin ni Tiya Rosa ang kaniyang mga anak gamit ang internet. Nakikita siya ng kaniyang mga anak at nakikita din niya sila. Araw-araw silang nag-uusap ng ilang oras.



Isang gabi, napindot ng pusang si Ken ang telepono ni Tiya Rosa.



Maraming mga *video* ang lumitaw at ginugol ni Rose ang kaniyang oras sa panonood ng sunud-sunod na mga video.



Madaming natutunan na pamamaraan ng pagluluto si Tiya Rosa dahil sa panunuod niya ng mga video. Nakakagawa na siya ng Lebanese Tabboleh salad at aubergine ghannouj.



Ang Iraqi Dolmah ay isa sa pinakamasarap na putahe. Pagkatapos siya ay naging isang master chef sa Saudi Arabian kabsa. At mahal din niya ang Egyptian koshari.



Makalipas ang ilang araw, napansin ni Tiya Rosa na tumataba na siya at nadadagdagan ang kaniyang timbang.

Kaya ay napagpasyahan niyang magbawas ng timbang at nagsimulang manuod ng videos ng iba't ibang uri ng ehersisyo.



Bago siya natulog nang gabing iyon ay naalala niya ang kaniyang pangarap noong bata pa siya. Nais ni Tiya Rosa na matutong magpinta.




Kaya gumising siya nang maaga at nagtungo sa bayan upang bumili ng mga gagamitin niya sa pagguhit. Gumugol siya ng maraming oras sa pagbili ng iba't ibang kulay.



Gayunpaman, nagigising parin si Tiya Rosa nang madaling araw para magpakain sa mga inahin, maghanda ng agahan at tanghalian.



Pero ginugugol niya halos lahat ng kanyang oras sa kwarto, kung saan naghahalu-halo siya ng iba't ibang kulay upang makalikha ng isang napakagandang obra.



Inaanyayahan ko kayo, mga mahal ko sa buhay, na dumalo sa aking kauna-unahang eksibisyon ng aking mga ipininta; sa darating na Miyerkules, sa Rose Hill Hall.



Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Nang Dahil sa Telepono (*With A Click of A Button*). Author: Alaa Olayyan. Illustrator: Husameddine Al-Qaliny.

Published by Asafeer, © Asafeer. Released under
CC-BY-NC-SA-4.0.

This work is a modified version of the original story. @ The Asia Foundation, 2022. Some rights reserved. Released under
CC-BY-NC-SA-4.0.



For full terms of use and attribution,
<http://creativecommons.org/licenses/by-nc-sa/4.0/>

Contributing translators: Jasmine Padro and Mae Tahoynon